

# 那年到自贸区买海鲜

文 / 王志良

## 茄山河

记得2014年个辰光，到自贸区买海鲜还是一个勿大勿小个新闻。记得当时正好外甥女从合肥到上海来白相，我考虑合肥属于内陆城市，外甥女平常吃海鲜个机会勿多，就同家主婆商量，准备到军工路水产品市场多买点海鲜来招待伊。女儿听到我个讲法，就辣辣旁边讲：上海外高桥自贸区里向有一家进口商品直销中心，里向进口海鲜又多又便宜，可以到伊里去看看。其实我之前听几个老朋友讲起过这家直销中心，听女儿一讲，我决定阿拉一家门一道去兜兜看看。

隔脱几天，阿拉一家三口正好有空，就决定一道到外高桥保税区跑一趟，我负责开车。出门辰光太阳刮辣辣，车子开到一半，天浪就开始落雨了。看到落雨，我心里其实还是蛮开心，因为按照我逛超市个经验，落雨天店里

顾客往往比较少，所以我以为直销中心里向人勿会多，正好方便阿拉购物。万万没想到，等车子开到直销中心，雨仍旧没停，从车窗看出去，发现直销中心门口有交关人辣辣排队。停好车子，阿拉三家头走过去一打听才晓得，直销中心生意太好人太多，为了避免发生事故，采取了限流措施，每次只放30-50位顾客进去。葛末，阿拉也只好排队。

还好，排了一歇队就轮到阿拉了，辰光勿算太长。一进商场，阿拉就直奔生鲜柜台，只见波士顿龙虾、智利帝王蟹、也门大木鱼等各式海鲜依次摆放，品种邪气多。柜台前人头攒动，大家挑选海鲜个速度相当快，10点钟勿到，越南皇家黑虎虾仁卖光了。选个辰光，我看见工作人员勿停向一只空货柜里放海鲜，凑近一看是按箱卖个波士顿龙虾。一只龙虾同小人手臂差不多长。一箱8只，卖572元，折算下来一只龙虾71元左右，比生鲜网站便宜一至两成，我马上“抢”了一箱。之后，又

拿了一箱帝王蟹。

因为阿拉出门之前做过功课，晓得帮搭除脱进口海鲜价廉物美，进口水果也邪气勿错，所以阿拉三家头又转到水果卖场，柜台里水果品种邪气多，祖母绿智利车厘子、黑加仑、爱文芒果、越南红心火龙果、墨西哥红提……应有尽有。其中，宝岛台湾凤梨每只18元，个大，脆甜，水分多，比生鲜网站便宜5-10元，购者踊跃。智利车厘子卖得同样好，一般品质每斤33元，顶级品质每斤45元。打开一箱上下稍微翻一翻，车厘子只只饱满，一只勿坏。

选个辰光旁边有人征得工作人员同意，品尝了一只，马上点头称赞，甜味十足，一点勿酸。其他顾客讲：帮搭水果品种多，价钱也勿算贵，综合算起来，比到超市或农贸市场买水果更加合算。葛末，凤梨、车厘子一齐买了一箱。

到自贸区买进口海鲜、进口水果，要是辣辣老底仔是痴人讲梦话。到了现在，进口海鲜、进口水果，交关超市里向有，再也勿需要专门跑到自贸区去买了。

老早仔，我住辣浦东离市区最近个洋泾古镇浪，经常能看到走街串巷个手艺人，伊拉个手艺各不相同：补锅、补碗、刻字、磨刀、修钢笔、修棕棚，但是伊拉招徕生意个套路倒是差不多，侬是边走边吆喝，各种吆喝声给弄堂增添了勿少生气和情趣。

记得有一次我正辣屋里做家务，听到门外有人喊：“啥人屋里需要磨刀，快点拿出来。磨刀人来了！”想起前几天姆妈讲屋里个菜刀钝脱了，我马上跑到灶披间拿菜刀寻了出来，打算拿出去请磨刀人磨一磨。出门一看，发现选个磨刀人勿是我想象中个中年男性，而是一个看起来三十七岁个阿姐。选个辰光，伊已经接到生意了，正辣辣磨一把剪刀，弄堂里几个小把戏围了旁边看稀奇。

我看伊做生活邪气认真，动作干净利落。一歇歇工夫，剪刀磨好了，帮位阿姐又拿出一块毛巾，拿剪刀揩得干干净净。接下去，伊又开始替我磨菜刀，刀片辣磨刀石浪滑动，伊一面磨一面往刀浪向淋清水。过脱一歇，伊就用手指辣刀刀浪向轻轻刮一几，又眯起眼睛看刀锋。如此几次，眼看刀锋浪向泛起一道白线，明显锋利起来。磨完刀，伊又拿松动个刀柄重新箍紧，用布揩干，才递到我手里。等我拿菜刀放回灶披间，女性嗓音个婉转吆喝声又传进我耳朵。

其实，大多数情况下，磨刀师傅以男性为主，因为磨刀勿但是技术活，也是体力活。伊拉个全套“行头”围绕一条长凳，长凳一头固定两块磨刀石，一块用于粗磨，一块用于细磨，竟腿浪还绑一只装水个铁罐。长凳另一头绑着坐垫，还挂了一个篮子或一只箱子，里向有一眼简单工具：榔头、钢铲、毛刷、揩布等等。伊拉一般是定期而来，辰光勿会隔老长，到辰光家家户户侬会拿各种需要磨个刀拿出来，尤其是春节之前，磨好一家，又去另一家，勿经意间磨刀人就成了弄堂里一道流动个“风景”。经伊拉手磨好个刀，基本浪可以用勿少辰光。

时至今日，交关日常生活用品个质地与当年相比侬有了极大提高，早年勿少行当因产品技术工艺改进搭仔市民生活习惯个改变，逐渐退出了历史舞台。以菜刀为例，早年菜刀主要用质地略次个铁料制作，只有刀锋部分采用钢料，也就是所谓“好钢用在刀刃上”，现在个菜刀一般全用高品质钢制造，勿仅持久锋利，即便偶尔需要磨一下，也有磨刀棒之类个“小玩意”可用，走街串巷个磨刀生意只能成为埃个年代一个交关难忘个记忆了。

## 穿弄堂个磨刀师傅

文 / 邵天骏

# 清清纯纯一碗汤

图文 / 沈一珠

## 画白相

到杭州去白相，一碗蔬菜汤总归要吃。

蔬菜有多少好吃呢？《晋书·张翰传》里记了一个故事：有个人叫张翰，官做到大司马，当时相当于兵马大元帅，现在讲起来，就是武装部队总司令。勿过，伊好像也没哪能拿迭个官当桩事体。因为有天仔伊立辣秋风里，辣末生头就想起自家家乡个好吃物事：比方讲蔬菜，鲈鱼老啥。

依勒以为伊想想就算了，伊是马上辞脱总司令职务，直接回转去了。理由也石刮铁硬：人生贵得适志，何能羈官数千里以要名爵乎？帮句闲话大约模个意思就是：人生难得有想法，就要号扫去付诸行动，哪能可以被千里之外个名位利益绑牢呢？

做人做到适能，是真潇洒。蔬菜清淡，要烧好一碗鲜香个蔬菜汤，还需要配一眼熟火腿丝、熟鸡丝、熟鸡油搭仔适



量高汤。先拿新鲜蔬菜辣辣开水里焯一焯，再捞出来沥干，盛了汤碗里；高汤烧开，合好咸淡，倒进蔬菜碗里，熟鸡丝火腿丝放下去，淋稍许熟鸡油就好了。也可以烧蔬菜河鲫鱼汤。河鲫鱼烧好以后，拿焯过水个蔬菜放下去，稍许滚一滚就可以了。

# “矛盾”的上海闲话

文 / 袁长燕

## 沪语趣谈

在修辞手段中有一种“矛盾修辞法”，它是用两种不相调和，甚至相反的词语来形容一事物，使得所表达的语义更强烈。有趣的是，上海话中也有类似用法。下面试举几例：

落起来。落是往下，起来是朝上，两个相反的字词放在一起，被用来表达“起床”。例句：依个侬，太阳晒屁股了还赖辣辣浪向，快点落起来。

汰脚面盆。面盆，亦称脸盆，顾名思义是用来洗脸的。上海人过日脚讲究，汰面孔和汰

下身的盆子要分开。汰下身的盆无以名之，便借用成汰脚面盆。

钢宗镬子，亦称钢精镬子，即铝锅。记得小辰光，有一天阿娘叫我到灶披间拿钢宗镬子。可是我找不到“钢锅”，空手而归。阿娘拎牢我耳朵，拿出铝锅，呵斥我：“看清楚，帮就是钢宗镬子。”

铜吊。它不是指茶馆店里壶嘴细长、俊男靓女表演冲茶的铜壶，而是家里日常用来烧水的水壶，一般是铝制或不锈钢制的。

铝桶。其实是用镀锌铁皮（也有用铝或塑料）制成的可以拎的圆桶，与铝一点关系也没有。

还能想出几个，暂且打住。有兴趣的朋友可以“接龙”。

# 香甜软糯米饭饼

文 / 周允中

## 老里八早

上世纪50年代读小学，下半天三四点钟，感觉肚皮里向空落落，弄堂里往往就会响起“哆哆米饭饼”个叫卖声。声音刮辣脆脆，带有广东口音。很快就可以看到一群“小把戏”（小孩）从屋里向冲出来，手里侬拿了“铅角子”（分币），一窝蜂去寻叫卖个小贩。米饭饼一擦擦放辣竹头编成个背篓里，小巧洁白，晶莹剔透，上面还有一个鲜艳个红印，吃口香甜糯软，还有一点米酒个香气，阿拉帮点小朋友侬邪气欢喜。米饭饼价钱勿贵，一分洋钿一只，生意好得勿得了。

现在，帮种蒸煮制作个广式米饭饼已经勿大看到了，只一眼港式餐厅里向有供应。市面浪向摆摊卖个米饭饼大多数侬是苏北特色，采用烘烤方式制作。制作辰光，平底铁锅放辣煤炉上面，锅底当中凹进去一只碗口大小个孔洞，洞里放满水，放过醉母个米糊下锅，摊成圆饼，马上盖好锅盖，开始烘烤，孔洞里个水受热变成蒸汽。出锅个米饭饼正面雪白暄松，反面有点焦黄。拿一根刚出油锅个油条，对折，再用两块米饭饼包起来。咬一口，米饼松软，油条香脆，味道邪气好。

阿拉屋里隔条马路有一个小菜场，最近里向开了一家做广式米饭饼个小铺子，老板是夫妻两家头。伊拉做个饼是有馅，包括豆沙、枣泥、核桃、黑洋酥等几种，饼个大小比七宝老街个米糕大一眼，交关人吃过后就变成了回头客。老清老早就有人排队，勿到十点钟就买光了。可见，传统食品也可以创新出新口味。

# 沪谚熟语印



有心有想



出外快

有心有想：有耐心。例句：依看伊一家头有心有想，拆拆装装，钻研技术。

出外快：占到意外的便宜。例句：今朝我去电器市场买冰箱，出外快买着一台打对折。篆刻 / 周建国

# 乖巧聪明说“解儻”

文 / 叶世蔛

## 沪语中古语

“解儻”，这两个词典上难找到的生字读出来，许多老上海还是比较熟悉的。“解儻”上海话读若“霞遮”（xia za），意思是聪明、乖巧、能干；现在郊区农村中，还能听到老年人用此形容或称赞小孩子。

“解儻”在一些文献中也多有记载，只不过记录用字殊不统一。明代冯梦龙《山歌》中有：“结识个姐儿忒奢遮”句。也是出版于明代的《二刻拍案惊奇》卷五：“夫人道：‘此子虽然伶俐，点点年纪，奢遮煞也只是四五岁的孩子。’”民国二十六年的《川沙县志》里，收入黄炎培写的《川沙方言述》，其中讲到：“儿童极聪明、能干、稀罕，则称‘特箇小团罳抓来！’此二字，近悟得即是北语‘奢遮’。”其实，“奢遮”、“罳抓”都是“解儻”的不同写法。此外，《中国歌谣集成》有首婚嫁歌唱道：“我小小囡仔勿愜奢来勿生思”，写作“愜奢”；《张江镇志》记录当地熟语：“干贴抓，踏板头浪有勿得三双小团鞋”，写作“贴抓”；《上海方言词典》借字写作“罳奢”；《吴方言中冷僻本意字》写作“罳奢”；近期网络上的《川沙乡土民俗语合辑》

写作“贴诈”等等。

究其字义由来，写作“解儻”是有依据的。“解儻”实际是从“解儻”而来的，也写作“解豸”、“解麇”；那是传说中的异兽。汉代《异物志》：“东北荒中有兽，名解豸，一角，性忠。见人斗则触不直者，闻人论则咋不正者。”《前汉书·司马相如传》注：“解儻似鹿而一角。”《新唐书·侯思止传》侯思止说“解儻不学而能触邪”；《资治通鉴·唐纪》里的故事更加完整：“思止求为御史，太后（武则天）曰：‘卿不识字，岂堪御史！’对曰：‘解豸何尝识字，但能触邪耳。’”侯思止自比解儻（解豸）固然可惜，但以“解儻”为聪慧的代名词还是一目了然。古人以为这个解儻天生就能辨别善恶正邪；那当然就可以成为聪明智慧的象征。

说到读音，《集韵》：“解，蟹切，音解；解，下买切，音蟹；儻，都买切，音上声。”清代《纲鉴易知录》注其音为“蟹柴”。1889年出版的《土话指南》和1939年出版的《上海方言课本》以及2003年出版的《钱乃荣《上海方言发展史》中，用的都是“解儻”两字。